

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Broj: 04/1-19-5-4549/24

Bihać, 01.08.2024. godine

Na osnovu člana 52. Statuta Grada Bihaća („Službeni glasnik Grada Bihaća“, broj: 13/15, 13/18 i 12/22) i člana 10. Odluke o privremenom korištenju javnih površina na području grada Bihaća („Službeni glasnik Grada Bihaća“, broj: 6/22, 14/23, 5/24), Gradonačelnik Bihaća raspisuje:

**JAVNI OGLAS**  
**ZA PRIVREMENO KORIŠTENJE JAVNE POVRŠINE**

**I. PREDMET JAVNOG OGLASA**

Predmet javnog oglasa je lokacija koja je Planom lokacija za korištenje javnih površina na području grada Bihaća („Službeni glasnik Grada Bihaća“, broj: 1/19, 7/21 i 13/21) utvrđena kao:

**LOKACIJA ZA POSTAVLJANJE MONTAŽNOG OBJEKTA TIPA KIOSK**

**LOKALITET „O“**

Ulica Dr. Irfana Ljubijankića ..... 1 komad

Lokacija br. 3

-privremeno postavljanje montažnog objekta tipa kiosk

-dimenzije 6,65 x 6,20, spratnost P

-početni iznos naknade za privremeno korištenje javne površine iznosi 5,00 KM/m<sup>2</sup> mjesečno.

Postupak javnog nadmetanja za korištenje javne površine, u skladu sa odredbama Odluke o privremenom korištenju javnih površina na području grada Bihaća („Službeni glasnik Grada Bihaća“, broj: 6/22, 14/23, 5/24), provest će Komisija za provođenje javnog nadmetanja (u daljem tekstu: Komisija) koju rješenjem imenuje gradonačelnik.

Javna površina koja je predmet javnog oglasa odobrit će se na privremeno korištenje onom učesniku koji ponudi najveći iznos naknade po 1m<sup>2</sup>. U slučaju da dva učesnika ponude istu cijenu, provest će se javno usmeno nadmetanje, te će pravo na dodjelu javne površine imati učesnik koji ponudi veći iznos po m<sup>2</sup>.

Ako se na javni oglas prijavi samo jedan učesnik, Komisija može pristupiti postupku dodjele javne površine neposrednom pogodbom, pod uslovom da ponuđena cijena ne može biti niža od početne cijene objavljene u Javnom oglasu.

Naknadu za privremeno korištenje javne površine korisnik plaća unaprijed, i to najkasnije do 5-og u mjesecu za tekući mjesec, ako je period korištenja duži od mjesec dana.

Privremeni korisnik kojem se odobri privremeno korištenje javne površine obavezan je pribaviti svu potrebnu urbanističko-tehničku dokumentaciju za postavljanje montažnog objekta tipa kiosk.

## **II. PERIOD ZAKUPA**

Vrijeme korištenja javne površine na lokaciji koja je predmet javnog oglasa je 1 (jedna) godina, sa mogućnošću produženja u skladu sa Odlukom o privremenom korištenju javnih površina na području grada Bihaća.

Početak korištenja odobrene javne površine utvrđuje se rješenjem o privremenom korištenju javne površine kojeg donosi gradonačelnik, putem Službe za upravljanje razvojem, komunalne djelatnosti i zaštitu okoliša, nakon pravosnažnosti Zaključka o rezultatima javnog oglasa.

## **III. PRAVO UČEŠĆA**

Pravo učešća na javnom oglasu imaju sva pravna lica i fizička lica koja obavljaju samostalnu djelatnost sa područja Bosne i Hercegovine, a koja su registrovana za obavljanje određene djelatnosti.

## **IV. SADRŽAJ PRIJAVE**

Uz prijavu koja treba da sadrži tačan naziv i adresu ponuđača, potrebno je priložiti sljedeću dokumentaciju:

- a) Pisanu ponudu sa ponuđenom cijenom, izraženom slovima i brojkama,
- b) Rješenje o upisu u sudski registar za pravna lica (ovjerena kopija), ne starije od tri mjeseca od dana objave javnog oglasa,
- c) Odobrenje za obavljanje djelatnosti za fizička lica koja obavljaju samostalnu djelatnost (ovjerena kopija), ne starije od tri mjeseca od dana objave javnog oglasa,
- d) Uvjerenje o poreskoj registraciji (ID broj) i Uvjerenje o registraciji obveznika poreza na dodatnu vrijednost (PDV broj),
- e) Uvjerenje nadležnog poreznog organa o izmirenim obavezama po osnovu plaćanja javnih prihoda ili zaključen sporazum o plaćanju duga u ratama, ne starije od tri mjeseca od dana objave javnog oglasa,
- f) Uvjerenje Službe za finansije, privredu i poljoprivredu Grada Bihaća da ponuđač nema neizmirenih obaveza prema Gradu Bihaću na ime naknade za privremeno korištenje javne površine i komunalne takse.

## **V. NAČIN DOSTAVLJANJA PRIJAVA**

Prijave na javni oglas podnose se u roku od 15 (petnaest) dana od dana objavljivanja javnog oglasa na oglasnoj ploči Grada Bihaća, u dnevnom listu „Dnevni avaz“ i u sedmičnom listu Unsko-sanske novine Krajina, računajući od dana posljednje objave.

Prijave sa dokazima o ispunjavanju uslova Javnog oglasa dostavljaju se Gradu Bihaću, u zatvorenoj i zapečaćenoj koverti, sa obaveznom naznakom:

"Javni oglas za privremeno korištenje javne površine - ne otvaraj“, neposredno na protokol Grada Bihaća ili putem pošte, na adresu Grad Bihać, ul. Bosanska br. 4, Bihać.

Na poledini koverta napisati naziv i adresu ponuđača, kontakt osobu i telefon.

Nepotpune i neblagovremene prijave neće se uzimati u razmatranje.

Prijave učesnika koji imaju dugovanja prema Gradu Bihaću po osnovu neizmirenih obaveza na ime naknade za korištenje javne površine i komunalne takse, neće se razmatrati.

O terminu javnog otvaranja ponuda svi prijavljeni učesnici će biti naknadno obaviješteni.

Po provedenom postupku javnog oglasa, svim učesnicima dostavit će se Zaključak o rezultatima javnog oglasa.

## **VI. TROŠKOVI**

Grad Bihać neće snositi troškove učesnika u postupku nadmetanja, te zadržava pravo poništiti javni oglas i pri tome ne snosi nikakvu odgovornost prema učesnicima, niti je obavezan objasniti razloge takve odluke.

Za sve dodatne informacije ili objašnjenja, svi zainteresovani mogu se obratiti Službi za upravljanje razvojem, komunalne djelatnosti i zaštitu okoliša Grada Bihaća, na telefon broj 037 229 619, 037 229 675.

Gradonačelnik  
Elvedin Sedić